



UNIVERSITÄTS-
BIBLIOTHEK
PADERBORN

Micrologvs|| De Ecclesiasticis|| Observationibvs.||

Bernoldus <Constantiensis>

Antverpiæ, 1565

24. De vernali leiunio

[urn:nbn:de:hbz:466:1-63426](https://nbn-resolving.org/urn:nbn:de:hbz:466:1-63426)

ſa dicit. Placeat tibi ſancta Trinitas obſequium ſeruitutis meæ, & præſta vt hoc ſacrificium quod oculis tuæ maietatis ego indignè obtuli, mihi & omnibus, pro quibus illud obtuli, te miſerante fit propiciabile. Per Chriſtum. *Exuens ſe veſtibus ſacris dicit* Pfalm. Benedicite omnia, Laudate dominum in ſanctis, *κύριε ἐλέησον*, Pater noſter. Conſiteantur tibi domine omnia opera tua, Exultabunt ſancti in gloria. Exultent iuſti in conſpectu, Non nobis domine, non nobis. Domine exaudi orationem. Deus qui tribus pueris. Actiones noſtras.

De ieiunio vernali,

CAP. XXIII.

GREGORIUS Papa ſeptimus cùm Apoſtolice ſedi præſideret, conſtituit vt ieiunium quod dicitur Martij in prima hebdomada quadrageſimæ omni anno celebretur, ſicut & ſancti patres illud inſtituiſſe leguntur. Nam ſanctus Gregorius Papa primus tam in Sacramentario quàm in graduali libro, ſiue Antiphonario officia eiusdem ieiunij primæ quadrageſimali hebdomadæ aſcripſit. Itē ſanctus Hierony-

Gregorij papæ
primi Sacramen-
tarium ac Anti-
phonarium ex-
tabant etate hu-
ius auctoris.

ronymus in libro Comitum lectiones & euangelia de eodem ieiunio eidem hebdomadae iniunxit. Ipsa etiam vacans Dominica quam sanctus Gregorius in quadragesima secundam esse voluit, evidentissime insinuat quod ieiunium Martij nihilominus omni anno ipsam in prima hebdomada praecedere debeat. Non enim eadem Dominica proprie vacans diceretur, si non sabbatum 12. lectionum euestigio subsequeretur quod proprium est omnium Dominicarum vacatium, quae cum proprio careant officio ex praecedenti hebdomada inofficiantur, si tamen necesse fuerit ut assumantur. Unde & haec Dominica, de qua agimus, ex quarta feria praecedentis ieiunij officium mutuauit. Necessarium est ergo, ut illud illam praecedat, cum non aliunde nisi ex eius praecessione eadem Dominica nomen & officium obtineat. Sed & Iunior Gregorius Papa scribens de ordinatione sancti Bonifacii Archiepiscopi ad Magonciacenses, praecipit, ut ordinatio quae ieiunio Martij ascribitur, in ingressu quadagesimae cum eodem ieiunio semper celebretur. Beatissimus quoque Leo Papa primus in sermone De ieiunio

D. Hieronymi quoque Comitum liber. quem infra c. 25. Lectionarium vocat facit eiusdem mentionem Honorius lib. 1. c. 28. ego quoque manu scriptum vidi.

ieiunium vermale observandum in quadagesima. Greg. 2.

iunio septimi mensis, verum ieiunium
 in Quadragesima, æstiuum in Penteco-
 ste, Antumnale in septimo mēse celebrā-
 dum esse denunciauit. Item beatus Ge-
 lasius papa in decretalibus suis capitulo
 quadragesimo primo, constituit, vt ordi-
 nationes presbyterorum & diaconorum,
 non nisi certis temporibus fiant, quippe
 in ieiunio quarti & septimi & decimi mē-
 sis, id est, Iunij, Septembris, atque Decē-
 bris, necnon in quadragesimalis initij ie-
 iunio, quod proculdubio Martij intelli-
 gitur. Videtne ergo, quàm apertè idem
 ieiuniū cum ordinatione sua primæ qua-
 dragesimali hebdomadæ ascribatur, & quā
 quàm signāter quadragesimalis initij ie-
 iunium cognominetur? Hoc autem ini-
 tium Quadragesimæ non à capite ieiu-
 nij, sed à subsequenti Dominica est com-
 putandum. Nam quamuis à capite ieiui-
 nij pro quodam complemento quadra-
 gesimalis abstinentiæ incipiamus, à sub-
 sequenti tamen Dominica iuxta assertio-
 nem Sancti Ambrosij & sancti Gregorij
 & aliorū sanctorum patrum Quadrage-
 simam propriè exordimur. Nullum au-
 tem commoueat quòd tempore Henri-
 ci se-

ci secundi Imperatoris, duodecim Episcopi Moguncie congregati, aliter de hoc ieiunio statuisse leguntur. Cum enim apud Episcopos non modica varietas de huiusmodi ieiunijs accideret, eo quod antiquorum sanctorum patrum traditionem in hac re minus attenderet, pro huiusmodi confusione corrigenda hanc sibi regulam proposuerunt: ut deinceps in prima quarta feria Martij, & in secunda Iunij, & in tertia Septembris omni anno ieiunarent. Sed hæc regula Apostolicæ auctoritati præiudicare, nec debet nec potest, præsertim cum evidentissime statuta patrum videatur repugnare. Si enim prædictam regulam annuatim observamus, multoties non solum in quadragesima, sed etiam ante quadragesimam ieiunabimus. Cum & statuta Apostolicorum virorum, & institutio officiorum, ut prælibatum est, illud infra quadragesimam, imò in prima quadragesimæ septimana semper celebrare decernant. Indubitanter ergo refutare debemus quotquot tam evidenter Apostolicæ auctoritati contraire videmus, unde totius Christianæ religionis & ordinis exordium & formam accipimus,

Apostolicæ auctoritati Concilium provinciale non potest præiudicare.

Concilium provinciale non potest præiudicare.

pimus. Nec mireris hoc ieiunium potius Martio quàm Februario ascribi, quamuis in Februario, cùm ipsa quadragesima nonnūquam occurrat. Semper enim idē ieiunium, aut Kalendaria aliquando, aut Lunationem Martij, aut vtrunque simul incurrit; Februarij autem Kalendaria aliquando, Lunationem verò nunquam attingit. Ergo multo congruentius Martio ascribitur quem nūquā relinquit, quàm Februario, quem multociens non attingit. Obseruatur sanè hoc ieiunium, cùm quadragesima ipsa secundum Lunationem, sicut & Pascha. Vnde nō incongruè ipsum Martio propter Lunationē ascribitur, quamuis in Februario occurrat. Sicut & Pascha Aprili semper ascribitur, quamuis sæpè in Martio contingat. Nec vtique probabili exēplo carebit, si sacrorū ordinum dispensatio nonnunquam in Februario, dum hoc exegerit quadragesimalis initij præmaturatio (Nam reuerendissimi patres nostri sanctitate & Apostolica auctoritate præcipui, videlicet, Simplicius, Gelasius, Symmachus, Felix, in Februario ordinationes fecisse leguntur) cùm iam sancta Romana ecclesia

Cur ieiunium
hoc Martio in-
scribatur.

fia ieiunia quatuor temporum in ordina-
 tione obseruare decreuerit, hocque alijs
 quoque ecclesijs ita obseruandum pro-
 mulgauerit. Ergo absque omni dubio
 5 obseruare debemus, vnde tam certa præ-
 cepta & exempla sanctorum patrū Apo-
 stolica auctoritate prædicatorū sufficien-
 ter habemus; præsertim cum & facilius
 obseruetur, quod prouida antiquitas &
 10 auctoritas instituit, quam quod inconfi-
 derata nouitas & infirmitas adinuenit.
 Nulli enim dubium est, quin facilius sit
 omni anno idem ieiunium Martij in ea-
 de hebdomada cum eisdem officijs inconfu-
 15 se celebrare, quam de hebdomada in heb-
 domadam non sine confusione officiorū,
 vt multi solent, illud annuatim mutare.

De Ieiunio Aestuali,

CAP. XXV.

20 GREGORIUS papa septimus Apo-
 stolicæ sedi præsidens constituit, vt Aesti-
 uale ieiunium infra octauam Pêtecosten
 annuatim celebretur. Quod quidem sa-
 25 pientioribus reuerentia sedis Apostolicæ
 facile persuasit; simplicioribus autē non-
 nulla dubitatio super huius statuti pro-
 mul-

Ieiunium æsti-
 uale celebrandū
 infra Octauas
 Pentecosten.